

767
+ 300
1067

1066

Bulla de la anexión de la Universidad de
San Martín de León y de San Pedro de
Xerez
1508
Bulla de la anexión del Colegio del P. M.
de la Universidad de Salamanca de 1507

Cajón 1.º II. Medio.
Seg. 1.º Num. 3.º

Bulla 2.ª Collegij de anexione
Junium Beneficiorum (S. Martini
Sevilla, S. Mathae & Xerez, y S.
Blas de Salvatierra) et aliarum
facultatum &c. De Julio II.
Decimo sexto Kalendas Julij 1508.
Esta es la Bula segunda copiada en
su conformidad.

Este es el Impreso que se hizo en esta
Imprenta del P. M. de Salamanca en el
año de 1508.

Handwritten notes and signatures in the bottom right corner.

Handwritten notes and signatures in the bottom right corner.

Cax. 2.º alto Leg.º 1.º Num.º 2.º

ANUS Legap 603+15

(2)

SECUNDA BVLLA APOSTOLICA PRÆDICTI COLLEGIJ MAIORIS,

AC

VNIVERSITATIS HISPALENSIS,

DE ANNEXIONE TRIVM BENEFICIORVM, ET ALIARVM facultatum, & prærogativarum eidem Collegio, ac Vniversitati concessarum, quæ etiam comprehenditur in dicta confirmatione S. P. N. Clementis XI.

sub prædicta die XXVI. Octobris anni DCC.XVI.



LVLIVS EPISCOPVS, Servus, Servorum Dei, ad perpetuam rei memoriam. Cum per litterarum studia Christi Fideles moribus, virtutibusque ornantur, & quodam rore Cœlico respersi sapientiæ, & intellectus spiritum nanciscuntur, & præstant postmodum cunctis opem sanioris consilij, æquum reputamus, & rationi consonum, Nos votis illis benignè, opportuna subventionis auxilia impendere, per quæ Christi Fideles huiusmodi laudibus, ac studijs commodius insistere valeant. Ac alias statuimus, disponimus, & ordinamus, prout in Domino conspicimus salubriter expedire. Dudum siquidem vno, seu vna pontificali nuncupato de Alocas, & Gomez Cardena, & alio, seu alia in eiusdem, ac reliquo, seu reliqua in Sancti Laurentij Hispalensis, ac alio, seu alia etiam pontificali nuncupato in Sancti Nicolai del Puerto, ac alio, seu alia in eiusdem Sancti Nicolai, & reliquo, seu reliqua in de la Parra locorum Hispalensis, & Pacensis diœcesis præstimonij, seu præstimonialibus portionibus, aut simplicibus beneficijs per liberam resignationem dilecti filij Magistri Roderici de Sancta Ella, Archidiaconi de Reyna in Ecclesia Hispalensi, Notarij nostri de illis, quæ tunc obtinebat per certum præcuratorem suum ad id ab eo specialiter constitutum, in manibus nostris sponte factam, & per Nos admissam apud Sedem Apostolicam vacantibus. Et pro parte dicti Roderici nobis exposito quod in Civitate Hispalensi, quæ inter alias Civitates Regnorum Hispaniarum maior, & nobilis, & illius Ecclesia prædicta inter alias Cathedrales dictorum regnorum insignis Metropolitana, in qua notabiles personæ in numero copioso, dignitates, personatus, administrationes, vel officia, Canonicatus, & præbendas, ac portiones, aliaque beneficia Ecclesiastica inibi obtinentes, ac pueri

Choriales in arte Musica instructi existunt, nullum Studium generale, seu Collegium scholarium, hæcenus fuerat, & propterea tam prædicti, quam alij pauperes Scholares, & Clerici dictæ Civitatis, & diœcesis Hispalensis studere volentes ad diversas Civitates prædictorum, & aliorum extraneorum regnorum, in quibus studium generale vigeat, ab eadem Hispalensi Civitate per ducenta, & triginta milliaria ad minus distantes, in modo vivendi multum differentes, non sine personarum, & rerum suarum maximo incomodo, & detrimento se conferre cogebantur. Eveniebatque, vt dicti pauperes, postquam ad provectam ætatem pervenerant, à sacrorum ordinum promotione tanquam pœnitenti illiterati, & ignari repellentur, & minus idonei reputantur, & propter huiusmodi repulsionem tanquam desperati aliter facere non valentes, ad prophana, & secularia officia, & exercitia se convertentur. Et si in dicta Civitate Hispalensi vna domus, seu Collegium scholarium pro vno Rectore, & duodecim, vel pluribus scholaribus, ac vno, vel pluribus Doctoribus, seu Magistris, qui eos in quacumque Facultate instruere deberent, construeretur, & ædificaretur, seu certa domus, seu Collegium per præfatum Rodericum ad huiusmodi usum fabricari, construi, & ædificari incepta, ad totalem perfectionem reduceretur: illique pro Rectoris, scholarium, Doctorum, Magistrorum, servitorum, & aliarum personarum inibi pro tempore existentium, ac duorum, vel plurium Cappellanorum sustentatione, Præstimonialia, seu præstimonialia portiones, aut simplicia beneficia huiusmodi perpetua vnirentur, annexerentur, & incorporarentur, profecto Rector, scholares, Doctores, Magistri, servitores, & alia personæ in eodẽ Collegio construendo huiusmodi commodius sustentari valerent. Nos eiusdem Roderici in ea parte supplicationibus inclinati in dicta Civitate Hispalensi vnam domum, seu Collegium per ipsum Rodericum à fundamentis inceptam, sed non finitam, in Collegium scholarium pro

pro

pro vno Rectore, & duodecim, vel pluribus scholaribus, & Magistris, Doctoribus, nec non ad vnum Altare Capella nuncupatum sub invocatione Beatæ Mariæ de IESV constructum, & ædificatum duas, vel plures Capellanas, perpetuas pro duobus, vel pluribus perpetuis Capellanis Presbyteris ad nutum Rectoris, & scholarium huiusmodi amovilibus, qui inibi Missas, & alia Divina officia celebrare, & ipsorum scholarium, ac aliarum personarum in dicto Collegio existentium Confessiones audire, & illis Eucharistiæ, & alia Sacramenta Ecclesiastica, sine alicuius præiudicio, etiam tempore interdicti ordinaria autoritate appositi ministrare possent: dummodo ipsi causam non dederint dicto interdicto, nec id contigerit eis, specialiter interdicti autoritate Apostolica, ereximus, & instituimus, ac illi pro eius dote, & Rectoris, scholarium, Magistrorum, Doctorum, Capellanorum, & aliarum personarum eiusdem Collegij necessaria subventionem, & illorum sustentationem, & manutentionem dotem per ipsum Rodericum iam assignatam, nec non præstimoniam, seu præstimoniales portiones, aut simplicia beneficia huiusmodi, sive per resignationem eandem, sive alio quovis modo vacarent, cum eorum iuribus, & pertinentijs dicta autoritate perpetuò univimus, annexuimus, & incorporavimus: ita quòd liceret ex tunc dicto Roderico nomine dicti Collegij, & deinde Rectori, & scholaribus pro tempore existentibus, per se, vel alium, seu alios corporalem præstimoniorum, seu portionum, aut simplicium beneficiorum, iuriumque, & pertinentiarum prædictorum possessionem propria autoritate liberè apprehendere, & perpetuò retinere: ac illorum fructus, redditus, & proventus in Rectoris, scholarium, Magistrorum, Doctorum, Capellanorum, servitorum, & aliarum personarum huiusmodi sustentationem convertere, diocesani loci, & cuiusvis alterius licentia minimè requisita. Ac præfatum Rodericum quoad viveret, & post eius obitum personam, seu personas, per eum nominandam, seu nominandas, Collegij, & illius bonorum huiusmodi administratorem, & Patronum, seu administratores, Patronos deputavimus, ac sibi quæcumque Statuta, & Ordinationes sacris canonibus non contraria pro Collegij, Rectoris, scholarium, Magistrorum, Doctorum, Capellanorum, & aliarum personarum huiusmodi sollicitudine, condendi, & ordinandi facultatem concessimus, quæ postquam condita forent, dicta autoritate confirmata esse censerentur eo

ipso. Præterea Collegium, Rectorem, Scholares, Magistros, Doctores, Capellanos, servitores, & alias personas in eodem Collegio cursantes, audientes, legentes ab Archiepiscopi Hispalensis pro tempore existentis iurisdictione, ac minio, potestate, & illius Vicarijs, & Officialibus totaliter eximimus. Ita quòd Ordinarius, Officialis, & Vicarij prædicti aliquam in Collegium, Rectorem, scholares, Magistros, Doctores, Capellanos, servitores, & alias personas, res, & bona huiusmodi (etiam ratione delicti, contractus, aut rei, de qua ageretur, ubicumque committeretur delictum, iniretur contractus, & res ipsa consisteret) iurisdictionem exercere, ac superioritatem, & auctoritatem habere non possent. Decernimus quòque Collegium, Rector, Scholares, Magistri, Doctores, Capellani, & alia persona in illo pro tempore degentes, omnibus, & singulis privilegijs, prærogativis, indultis, facultatibus, exemptionibus, immunitatibus, & gratijs generalibus, & specialibus alijs Collegijs studiorum generalium dictorum regnorum in genere concessis, & quibus in illis legentes, degentes, audientes, & commorantes utebantur, poterant, & gaudebant, uti, potiri, & gaudere, Ita quòd in eodem Collegio studentes tantum in artibus, Logica, & Philosophia, Theologia, Iure Canonico, vel Civili Baccallareatus, Licentiæ, Doctoratus, Magisterij gradus respectivè ad instar aliorum studiorum generalium dictorum regnorum, postquam cursus suos fecissent, suscipere liberè, & licitè possent, & valerent, statuimus, & ordinamus, ac sibi desuper indulsumus, & concessimus, prout in nostris litteris confectis plenius continetur. Cum autem dictus Rodericus vnum in Sancti Martini Hispalensis, & alium in Sancti Matthei oppidi de Xeritio, ac reliquum in de Salvatierra prædicta Hispalensis, & Pacensis Diocesis parochialibus Ecclesijs perpetua simplicia beneficia Ecclesiastica, servitoria, quæ obtinebat, per dilectum filium Gundisalvum de la Parra, Archidiaconum de la Parra in Ecclesia Pacensi procuratorem suum ad id ab eo specialiter constitutum, hodie in eisdem manibus nostris spontè, & liberè resignaverit. Nosque posteriorem resignationem huiusmodi duxerimus admittendam, nullusque de dictis servitorijs beneficijs, præter Nos, pro eo quòd Nos dudum omnia beneficia Ecclesiastica apud Sedem eandem tunc vacantia, & in antea vacatura collationi, & dispositioni nostræ reservavimus, decernentes ex tunc irritum, & inane, si secus super his à quoquam quavis autoritate scienter, vel ignoranter contigerit attentari, hac vice disponere potuerit, sive possit reservatione, & decreto obsistentibus supradictis. Et sicut exhibita nobis nuper
pro

pro parte Roderici, Rectoris, Scholarium, Magistrorum, Doctorum, Capellanorum, servitorum, & aliarum personarum prædictarum petitio continebat, si dicta servitoria beneficia eidem Collegio, seu domui perpetuo vniuntur, annecterentur, & incorporarentur, ex hoc profectò Rector, scholares, Magistri, Doctores, Capellani, servitores, & aliæ personæ prædictæ commodius se sustentare, & onera eis pro tempore incumbentia facilius perferre valent. Pro parte Roderici, Rectoris, scholarium, Magistrorum, Doctorum, Capellanorum, servitorum, & aliarum personarum prædictarum, asserentium fructus, redditus, & proventus dictorum beneficiorum servitoriorum centum ducatorum aurei de Camera secundum communem estimationem valorem annum non excedere, nobis fuit humiliter supplicatum, vt dicta beneficia servitoria eidem Collegio, vel domui perpetuo vniere, annectere, & incorporare, ac aliàs in præmissis opportunè providere de benignitate Apostolica dignaremur. Nos qui dudum inter alia voluimus, quod petentes Ecclesiastica beneficia alijs vniri, exprimere verum annum valorem secundum prædictam estimationem etiam beneficij, cui aliud vniri peteretur, alioquin vnio non valeret, & semper vnionibus commissio fieret ad partes, vocatis quorum interesset, Rodericum, Rectorem, scholares, Magistros, Doctores, Capellanos, servitores, ac alias personas prædictas à quibusvis excommunicationis, suspensionis, & interdicti, alijsque Ecclesiasticis sententijs, censuris, & poenis à iure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes: ac fructuum, reddituum, & proventuum dicti Collegij, seu domus, verum annum valorem præsentibus pro expresso habentibus, huiusmodi supplicationibus inclinati, prædicta servitoria beneficia, sive per posteriorem resignationem huiusmodi, sive alijs quibusvis modis, aut ex aliorum quorumcumque personis, seu per similem dicti Roderici, vel quorumvis aliorum resignationem de illis in Romana Curia, vel extra eam, etiam coram Notario publico, & testibus spontè factam vacent, etiam si tanto tempore vacaverint, quod eorum collatio, iuxta Lateranensis statuta Concilij, ad Sedem eandem legitimè devoluta, ipsaque beneficia servitoria dispositioni Apostolicæ specialiter, vel aliàs generaliter reservata existant. Et super eis inter aliquos his, cuius statum præsentibus haberi volumus, pro expresso, pen-

deat indecissa: dummodo eorum dispositio ad Nos hac vice pertineat, cum omnibus iuribus, & pertinentijs suis eidem Collegio, seu domui perpetuo Authoritate Apostolica tenore præsentium vnimus, annectimus, & incorporamus. Ita quod deceat ex nunc eidem Rectori, scholaribus, per se, vel per alium, seu alios, corporales beneficiorum servitoriorum, iuriumque, & pertinentiarum prædictorum possessionem propria authoritate liberè apprehendere, & perpetuo retinere, ac illorum fructus, redditus, & proventus in suos Rectoris, scholarium, Magistrorum, Doctorum, Capellanorum, servitorum, & aliarum personarum Collegij, & beneficiorum prædictorum, sustentationem, conservationem, & augmentum, & in alios vsus, & utilitates convertere, dicecesanorum locorum, & quorumvis aliorum licentia super hoc minimè requisita. Non obstantibus voluntate nostra prædicta, ac foelicis recordationis Bonifacij Papæ VIII. prædecessoris nostri, & alijs constitutionibus, & ordinationibus Apostolicis contrarijs quibuscumque. Aut si aliquis, super provisionibus sibi faciendis, de huiusmodi, vel alijs beneficijs Ecclesiasticis in alijs partibus speciales, vel generales dictæ sedis, vel Legatorum eius litteras impetrarint, etiam si per eas ad inhibitionem, reservationem, & decretum, vel aliàs quomodolibet sit processum. Quas quidem litteras, & processus habitos per easdem, & inde secuta quæcumque ad dicta beneficia servitoria volumus non extendi: sed nullum per hoc eis quo ad assecutionem beneficiorum aliorum præiudicium generari, & quibuslibet alijs privilegijs, indulgentijs, & litteris Apostolicis generalibus, vel specialibus quorumcumque tenorum existant, per quæ præsentibus non expressa, vel totaliter non inserta, effectus earum impediri valeat quomodolibet, vel differri, & de quibus quorumque totis tenoribus de verbo ad verbum habenda sit in nostris litteris mentio specialis. Nos enim, quod de cætero perpetuis futuris temporibus dignitates, personatus, & beneficia Ecclesiastica (etiam curam animarum habentia) obtinentes, & Presbyteri nunc, & pro tempore per triennium in eodem Collegio dumtaxat leges audire, & in his studere liberè, & licitè valeant: & quod Collegium præstimonias, præstimoniales portiones, aut simplicia servitoria prædicta, ac quæcumque alia beneficia Ecclesiastica cum cura, & sine cura eidem Collegio nunc, & pro tempore, perpetuo, vel ad tempus quavis etiam Apostolica Authoritate vnita, annexa, & incorporata, ac ipsius Collegij res, & bona quæcumque à quibusvis decimis, subsidijs,

gravaminibus, impositionibus, & oneribus etiam ad quarumcumque personarum, etiam Regum, & Reginarum instantiam, aut alias, ac charitativis subsidijs tam per locorum Ordinarios, quam quoscumque alios etiam per Nos, & sedem prædictam, aut eius Legatos, etiam ex quibusvis urgentissimis, & maximis causis, & cum quibusvis etiam derogatorijs derogatorijs fortioribus, efficacioribus, & insolitis clausulis, irritantibusque, & alijs Decretis in genere, vel in specie, etiam nominatim Collegio, præstimonijs, præstimonialibus portionibus, aut simplicibus, vel servitorijs, & alijs beneficijs prædictis, nunc, & pro tempore, ut præfertur vnitis, annexis, & incorporatis, ac alijs rebus, & bonis Collegij huiusmodi nunc forsitan impositis, ac pro tempore imponendis, libera, exempta, & immunia sint, & esse censeantur: nec illorum ratione, vel causa aliquid solvere teneantur, nec ad id à quocumque Collegium, Rector, scholares, Magistri, Doctores Capellani, servitores, & alia personæ huiusmodi inviti compelli possint: *Quodque omnes, & singuli, qui in alijs Vniuersitatibus studiorum generalium cursus suos fecerint, & hoc legitime probaverint, in dicto Collegio repetendo, seu vnã repetitionem publicam faciendo, & rigorosum examen subeundo, in eodem Collegio quoscumque gradus, si per examinatores approbati fuerint, recipere valeant, præfata Authoritate Apostolica eorundem præsentium statuimus, decernimus, & ordinamus, ac priores litteras prædictas, quo ad hoc vt nedum Collegium, Rector, scholares, Doctores, Magistri, Capellani, & alia personæ degentes, sed etiam audientes, vel cursantes in illo pro tempore, omnibus, & singulis privilegijs, prærogatiuis, indultis, facultatibus, exemptionibus, immunitatibus, & gratijs, alijs Collegijs studiorum regnorum etiam in specie nunc, & pro tempore concessis, vt concordet cum alijs verbis in dictis litteris supra apposis, videlicet: gratijs generalibus, vel specialibus vti, potiri, & gaudere, Ac in eodem Collegio studentes, audientes, & cursantes, ac alij repetitionem huiusmodi, vt supra facientes, etiam in medicina Baccallaurus, licentia, & magisterij gradus respectivè suscipere, ac etiam privilegijs, indultis, concessionibus, & alijs gratijs huiusmodi, quibus etiam in Vniuersitate studij Salmaticensis pro tempore graduati, seu promoti vtuntur, potiuntur, & gaudent, vti, & potiri, & gaudere possint. Quodque Rodericus quoad vixerit, & post eius obitum persona, seu personæ per eum nominanda, vel nominandæ, huiusmodi quæcumque statuta, & ordina-*

Concuenda esta copia con la Bula original, de donde fue sacada.

tionones Sacris Canonibus non contraria, tam pro Collegij, Rectoris, scholarium, Magistrorum, Doctorum, Capellanorum, & aliarum personarum huiusmodi felici directione (vt præfertur) quam etiam circa ordinem in ipso Collegio cursandi, ac cathedrarum, & illas regentium, & cursus agendos, & quem ordinem cursantes servare debeant, ac etiam circa graduandos, & illorum examen, nec non qualitates, & numerum examinatorum, ac expensas, quas examinandi, vel graduandi, vel promovendi facere teneantur. Ac salaria regentium, & aliorum officialium studij constituenda, nec non dispositionem temporum, & horarum legendi, ac omnium, & singulorum aliorum, quæ prosperum, & felicem statum, & ordinem, ac directionem, vtilitatem, honorem, conservationem, manutentionem, & augmentum dicti Collegij in spiritualibus, & temporalibus concernunt, condere, statuere, ordinare, cassare, derogare, mutare, addere, declarare, interpretari, corrigere, & alia de novo in totum, vel in partem facere, quæ eo ipso dicta autoritate Apostolica confirmata sint, & esse censeantur, liberè, & licitè valeant. Authoritate, & tenore similibus extendimus, & ampliamus. Non obstantibus præmissis, ac statutis, & ordinationibus Apostolicis, nec non dicti Collegij iuramento, confirmatione Apostolica, vel quavis firmitate alia roboratis, statutis, & cõsuetudinibus, ac omnibus illis, quæ in dictis pro prioribus litteris volumus non obstare, ceterisque contrarijs quibuscũque. Proviso, quòd dicta servitoria beneficia debitis propterea non fraudentur obsequijs: sed eorum congruè supportentur onera consueta. Et insuper, provt est, irritum decernimus, & inane, si secus super his à quoquam quavis autoritate scienter, vel ignoranter attentatum forsan est hætenus, vel in posterum contigerit attentari. Nulli ergò omninò hominum liceat hanc paginam nostræ absolutionis, vnionis, annexionis, incorporationis, statuti, ordinationis, extensionis, ampliationis, & decreti infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri, & Pauli Apostolorum eius se noverit incursum. Datis Romæ apud Sanctum Petrum anno Incarnationis Dominicæ millesimo quingentesimo octavo, sexto decimo Kalendas Iulij, Pontificatus nostri anno quinto.